



## PREDGOVOR

Osjećam posebno zadovoljstvo što mi se pruža prilika da pišem predgovor, trećem po redu, Zborniku radova koji se pojavljuje na kraju školske 2004/05. godine u kojoj je Islamska pedagoška akademija pristupila novoformiranom Univerzitetu u Zenici i otvorila četvorogodišnji dodiplomski studij na Odsjeku za socijalnu pedagogiju.

Uzvišeni Stvoritelj u Kur'anu Časnom čovjeku naređuje: "Uči, čitaj, s imenom Gospodara tvoga...", naređuje mu da traži nauku, da stiče znanje, a traženje nauke je, po mojoj definiciji, ulaganje napora u otkrivanje Allahovih, dž.š, zakona koji vladaju u čovjeku, na Zemlji i u svemiru, te ulaganje napora u otkrivanje načina čovjekovog pokoravanja i prilagođavanja tim zakonima, i pronalaženje modusa da s Allahovim, dž.š, zakonima u sukob ne dolazi, dakle da ih primjenjujemo u skladu s ostalim zakonima, jer nije dovoljno zakon otkriti, već ga moramo, u skladu s drugim Allahovim, dž.š, zakonima, primjenjivati. Zbog toga Allah, dž.š, nije naredio samo da se uči, čita i proučava, nego je tome dodao odrednicu da to mora biti u ime Njegovo, dakle, to mora biti u skladu s Njegovim zakonima. Istraživanja onih koji vjeruju u Allaha, dž.š, koji su muslimani, a musliman znači onaj koji se predao Allahu, dž.š, Njegovim zakonima, onaj koji nastoji i ulaže napor da s tim zakonima, bilo s onima koji vladaju u njemu, u njegovoj bližoj, ili daljoj životnoj sredini, ne dolazi u sukob, već da koristi u skladu s drugim Allahovim, dž.š, prirodnim zakonima i tako se uklapa u harmoniju života na Zemlji i u svemiru.

Nadam se da su radovi i u ovom Zborniku, poštovani čitaoci, naučno utemeljeni i da su istraživači potkrijepili svoje tvrdnje naučnim dokazima. Ukoliko, u tom pogledu, ima određenih nedostataka ili propusta, to je rezultat ljudske slabosti, za koju je Allah, dž.š, propisao jednu nagradu ako je čovjek prethodno uložio maksimalan trud da dođe do istine.


Iskreno se nadam da će ovi radovi biti još jedna svjetiljka koja će nam pomoći da hodimo putem stjecanja znanja, najveće

privilegije koju je Allah, dž.š, dao čovjeku u odnosu na Svoja druga stvoranja.

Nastavnicima Islamske pedagoške akademije i saradnicima sa drugih fakulteta iskreno se zahvaljujem što su ustupili svoje istraživačke radove za objavljivanje u ovoj publikaciji. Nadam se da će njihovi radovi opravdati zvanja i naučnu reputaciju njihovih autora, te kao takvi, kod čitalaca, biti dobro primljeni.

Uz molbu Allahu, dž.š, da nam pomogne na putu dobra, da nas učini korisnim članovima društva u kojem živimo, te da naš rad i trud, na polju afirmacije nauke i morala, ne bude uzaludan. Amin!

Doc. dr. sc. Šukrija Ramić, dekan Akademije

A handwritten signature in dark ink, appearing to read 'Šukrija Ramić', is written over a faint, rectangular stamp or watermark.